

مجموعه ابو الضرب

ماسوا شایه سندن دلی تطهیرہ چالش

پرتو حکمت و عرفان الہ تنویرہ آتش

هر ماه عربی ابتدایه اون بشده نشر اولور قون مجموعه سیدر

جزو ۴۰ [فی ۱۵ صفر سنہ ۱۳۰۲] نسخہ سی ۳ فروش

ممکن اولسه استکزه لایق اولان [پیند و پاراناس] طاغیرینک پیشنه کیده رک
بنده استکزی عکس صدالره تکرار ایتدیر ایدیم.

عالمدا . بنده لایق اولمک مدد [وهر سای] قونوس دویاری
نیمه ایشا ایشا ایشا . قونوس دویاری
ایله یزیمه ایشا ایشا ایشا . قونوس دویاری

مجالس رهبانیه عقد و تشکیلی خرسیتانلغه مجوسیلردن انتقال ایشدر.
چونکه قدمای ایرانیه و آتشیپرستان هند میاننده خلی نفوذی اولان
[زردشت] مذهب قدیمی اربابی دخی مجالس رهبانیه عقد ایدرلر ایدی [*]

[*] زردشت پیشوای آتش پرستاندر. اصل اسمی [ابستمان] اولوب
منوجهر نسلکندر. عصرنده متداول اولان علمی و بالخاصه فلسفہ فی تحصیلدن
صکره سیلان جزیره سنده برکوهه چکله رک حال ازواده [آبستاغ] نامنده کی کتابی تألیف
ایشدر. کشتاسبک اوتوزنجی سنه سلطنتنده طاغدن ایندرک صرتنده بیاض صوفدن
برجبه و اموزنده ردای آتشیپرستان اولدیفی حالدده کشتاسبه کلوب ادعای بیوت ایش
و کندیشندن معجزه طلب ایلدکلرندن «بکا آتش تأثیر ایلر» دیمه سبیل اوزرینه
اریش باقر دوکیله رک کویا هیچ برتائیر و المنی کورمماش ایش.
زردشتک اصلی عجم و برروایشه کوره فلسطینده الیوم (رمه) دیدکلی
محل اهالیسندن ایش. مؤخرآ آذر بایجانده کیده رک دین مجوسی اختراع ایشدر.

کشتاسب مرقومک نبوتی تصدیق ایله خلقی مذهبیه یعنی آتشیپرستانلکه
دعوت ایلدی.

دین و آیینده متعلق ابحاثی جامع اوله رق لسان فارسی اوزره تألیف ایلدی
(آبستاغ) نامنده کی کتابی که سماوی اولدیفی ادعا ایدردی. هیچ کیمسه آکلایه
مدیفندن آتی شرح ایله (زند) و بعده زندی دخی تفسیر ایله (پازند) سمیه ایش
و بونلری ۱۲۰۰۰ قطعه اوکوز جلدینه یازه رق اسطخر قلعه سنده دفن ایشدر.
جواهر التفسیرده حسین واعظ مذهب مجوسدن بحث ایله دیشدر که

«جامعت مجوس حضرت ابراهیم علیه السلامک دینده اتباع ادعا سنده در. و آتیه
عبادت ایتدلی دانسه اولیوب بلکه آتی قبله اتخاذ ایله وسیله تقرب خدا حد
ایتمه لنددر. «دین مجوس دخی مذاهب مختلفیه آیرلشیدر که تفصیلاتی ملل
و نحل کافلدر.

میلادك اكنجی عصری او اخرینه طوغری حکمدار ایرانیان اولان
 اردشیر بابکان بهشت و دوزخ حقنده اولان بعض شبهاتی حل ایچون [اسطخر
 آباد] ه قرق بیك برهمن جمع ائش ایدی . بونرك اك سر افرازی
 اولان [اردا . بن . دیراف] [۰] برنوع باده منومدن اوچ قدح ایچدکن
 صگره بر یاغینلغه مبتلا (سرخوش) اوله رق ۲۶۸ ساعت یعنی ۷ کون
 ۷ کیجه او حالده قالمش و مذهب مذکوره تابع اولانلرك اعتقادنجه بومدت
 ظرفنده روحی بدسندن افتراق ایله [یزدان و اهرمن] ایله ملاقات ایچون
 متوجه عازم سما اولمشدر . [۰۰]

اردا بو خالت غشی دن آیسلدقن صگره عالم آخرتده کی مشاهداتی
 حکایه و اردشیر بابکانك جنت و جهنم حقنده اولان شبهه لرینی ازاله ائتمش
 و نقلیاتی تحریراً دخی ضبط ائلمشدر .

ایشته دین محبوس اربابی اقتضا ائتمکجه یعنی مذهب و عقیده لرینه
 متعلق یا بر حکمدار طرفندن ایراد اولسان برسؤال و یا خود الجای احوال
 ارزرینه بو وجهله عقد مجلس ایدرك دفع اشکال ایدرلر ایدی .

§

معلومدرکه حضرت عیسایه نصارا بیننده [قرستوس] نامی ویریلیرکه
 « تمیز ائتمش » معنانه یونان لساننده برکله در . نسبتده ایسه خرسیدان
 اطلاق اولئورکه معناسی [تمیزین] در .
 حضرت عیسا تحریراً بر اثر بر قالمش اولدیغندن کنديسندن صگره

[*] اردا فردا وزنده مجوس طائفه سنك برمود و دانشمندلری آیدر .
 اردشیر بابکان ایله معاصر ایدی . فارسیان طائفه سی آتی پیغمبر زعم ایدرلر ایدی .
 و آکا [ارداد] دخی دیرلر فرهاد وزنده پدري اسمی دیراف ایدی .
 [برهان قاطع]

[**] طائفه مجوس ایکی اصل قدیمه یعنی یزدان و اهرمنه قائل اوله رق
 یزدانی فاعل خیر و اهرمنی فاعل شر اعتقاد ایدرلر . للطابع

کلانتر حافظه‌لرنده اولان احکام انجیلیه بی تحریف ایتمش و مشرکینه رسم ختانی اجرا ایله برابر دین موسویده قلم‌لرینی توصیه ایدوب ایتمامکده متردد بولئورلر ایدی . بونک ایچون خوار یون و رهبان قدسده اجتماع ایله بر مجلس مشورت عقد و دور و دراز مذاکره اتدن صکره انطاکیه، سوریه و کیلیکیا طرفلرنده بولسان مذهبداش لرینه شو تخریراتی تسیار ایلدیلر : «روح القدس ایله برابر بزدهخی شونلری مرعی الاجرا طومغه سزی دعوت ایدرز :

«اولا ، بتره قربان ایدیلان حیواناتک لحومنی » و بوغولش بر . حیوانک اتی « یمکدن و زنادن اجتناب وحذر ایتملیسکزر »

مع مافیه بو مجلس رهبانک مقرراتی خلافتیه حرکت ایدنلرک برنجیسی او مجلسک اجله اعضاسندن اولان [سن . پیتر] ایدی . چونکه مومی الیه انطاکیهده ایکن مشرکین ایله برابر لحوم قرایین اکلندن اجتناب ایتمامشدر . حتی خرستیانیلنی قبول ایدنلردن برچوق آدملرک انطاکیه یه ورودینه دکیکن سن . پیتر عادتیی اصلا بوزمامش ایدی . سن . پیترک مقررات مجلسه و احکام انجیله موافق صورتده حرکت ایتمدیکنه واقف اولان [سن پول] مومی الیهک اقوالیه افعالی آره‌سنده کی تضاددن منفعل اوله‌رق علی ملاء الناس سن . پیتره خطاباً شوسوزلری ایراد ایتمش در :

« سز موسوی اولدیفکزر حالده مشرکلر مثللو حرکت و احکام دینیّه موسویه یه رعایت ایتیه جک اولدقدن صکره مشرکینی دعوت یولنده نیچون اختیار زحمت ایدیورسکزر ! »

سن . پیتری انطاکیهده تعذیر ایدن سن . پول دخی قدسده یهودیلری حضرت موسایی انکاره تشویق تهمتیه اتهام قلمش و بر خصوصی مجلس رهبانینک قراریه بدی کون معبدده احتجاجیه مجبور اولمشدر .

آندن صکره مجالس رهبانیه علی اعموم ایکی قسمه تقسیم اولمشدر .

قسم اول : مجالس رهبانیه عمومیّه .

قسم ثانی : مجالس رهبانیه خصوصیّه .

مجالس رهبانیه خصوصیه دخی اوج قسم اعتبار ایدلشددر : برنجیسی
بر حکمدار ، بر بطریق و یا قاردنیال رتبه سنی حائز بر پاپاس طرفندن ،
ایکنجیسی ولایت پسقوسی و یا مترو پولیتی ، اوچنجی دخی بر باش پاپاس
و بر سر راهب طرفندن دعوت وجع ایدیلان مجلس رهاین در .

ولتر قاموس فلسفه سنده فرانسه ده کائن [ماقون] شهرنده منعقد
اولان بر مجلسك جمله مقرر اتندن اولان فقره آتیه بی درج ایتمشدر که بنوع
مجالس رهبانیه نك مذهب نامنه نه یولده مسخره لقلر ایقاع ایلدیکی حقنده
اصحاب مطالعه بر علم اجمال حصوله کثیرر ملاحظه سیله بورایه تقاضی
مناسب کوردك .

« صنف روحانی به منسوب اولیان هر شخص اثنای راهده بر پاپاسه
تصادف ایتدیکی حالده کنیدیسنه سرفرو ایده جکدر . او شخص ایله پاپاس
ایکسیده را کب بولنورلر ایه او حالده صنف روحانی به منسوب اولیان
شخص بارگیرینی توقیف ایله پاپاسی فرط تعظیم و حرمتله سلاملقدن صگره
یولنه کیده جکدر .

« اگر صنف روحانی به منسوب اولیان شخص بارگیر اوزرنده بولنورده
قارشیدن کلان بر پاپاسه راست کلیرسه او شخص همان بارگیریندن اینه رك
پاپاسی بوجه بالا تعظیم ایله سلاملقدن ، و پاپاس بر مسافه معینه به قدر .
تباعد ایدنجه به قدر بکله دکن صگره بارگیرینه رکوب و یولنه دوام ایده بیله جکدر .
« اشبو اوامر خلافتده حرکت ایدن هر بر شخص مترو پولیتك تنسیب
ایده جکی بر مدت محبوسیت ایله مجازات ایدیله جکدر »

ایشته بو مجالس رهبانیه خصوصیه لر بو یولده تشریفات مهکمانه بی
وظائف دینه صره سنه کچیرمك ایچون انعقاد ایدر ایدی .
میلادك دردنجی عصرندن بدأ ایله برچوق مجالس روحانیه انعقاد
ایتمش ایهده بوراده باشلیجه سکر مجلسدن بحث ایده جکرکه بوزلر رومیه
صغرا یعنی استانبول ایمراطورلرینك دعوتی اوزرینه اجتماع ایتمش و بو یولده کی
مجالسك اك مهملری عد اولتمشدر .

اسکندریه راهبرندن ایکی پاپاس حضرت عیسانک خالق و یا مخلوق اولدیغنی تعیین ایتمک ایچون مسئلهی اورتیه آتمه لرله یالکثر رهبان طاقی دکل ، اقوام و ملل آده سنه دخی بوجخلرله تفرقه دوشورمشلر ایدی . بحث اوزادجه فرقه لر دخی تکر ایدردی . مباحثه و مجادله اومرتبه لرده قاریشق برحاله کلدی که نهایت بقرست کروهی خرستیانلرک مجادلات مذهبییه لرینی بیله تیاترو معرضلرنده تقلید ایله اکلنمکه باشلادیلر .

ایمپراطور قسطنطین تفرقه یه باعث اولان پاپاس آلکساندر ایله پاپاس آریوسه بوبایدی یازدینی تو بیخنامه ده « اصلا لزومی اولیان و غیر مضر بر عطالت نتیجه سی اولان بوکی مسئله لر ذهن و فکری تعلیم ایچون جائز اولسه بیله عوامک سمع اطلاعنه بویولده کی مباحثی القا قطعاً جائز اوله ماز . بویله نتیجه سز بر بحث ایله ینکره تفرقه دوشورمکلککثر بوقدر کثیر اولان امت مسیحیه یی اداره یه لازم اولان لیاقتدن بری بولندیغکری اثبات ایدر . حرکتکثر بر اثر دناث اولوب رهبان و عقلا یه اصلاً یاقیشیر حالاتدن دکلدر . بن سزی نصل اولورسه اولسون بر نقطه ده توحید فکر ایتمکه محجور ایتلک قیدنده دکل . جناب حقک وحدانیتسه جزوی بر اختلاف ایله اعتقاده مختار سکر . فقط شو افکار و ظنیات مختلفه کثرک فاش و عقائد امتک تشویش ایدلما مننی قطعاً طلب ایدرم . » دیمشدر .

ایمپراطور قسطنطین بوبایدی صرف ایله یکی مساعینک ثمره سز قالدیغنی کورمکله ممالک خرستیانییه ده موجود اولان بیوک پاپاسلردن مرکب بر مجلس عمومی رهاین عقدینه قرار ویرمش و محل اجتماع اولق اوزره [ازنیق] شهرینی تعیین ایتلشدر . [۰]

[اوتیکوس] نام مورخک قولنه کوره مجلسه ایکی بیک قرق سکر نفر بیوک پاپاس کلش و کافه سنک افکار و حسیانی مختلف بر صورتده بولنمشدر . [مابعدی کله جک جزوده]

[*] بومجلس میلادک ۳۲۵ شخی سالنده انعقاد ایتلشدر که ایوم معتبر اولان تاریخ رومی دخی اومجلسک آثار سقیمه سندن بریدر .